



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

იოსელიანი ჯაბა კონსტანტინეს ძე

იოსელიანი ჯაბა კონსტანტინეს ძე (10. VII. 1926, ხაშური, – 4. III. 2003, თბილისი), პოლიტიკოსი, მწერალი, ხელოვნებათმცოდნეობის დოქტორი (1982). ახალგაზრდობაში წლების განმავლობაში იხდიდა სასჯელს სხვადასხვა დანაშაულისათვის. შემდეგ, 1973 დაამთავრა საქართველოს თეატრ. ინ-ტის თეატრმცოდნეობის ფაკ-ტი. 1973–75 მუშაობდა კინოსა და თეატრის ხელოვნების მუზეუმში, 1975–89 – თეატრ. ინ-ტში სწავლულ მდივნად, შემდგომ თეატრისა და კინოს სექტორის უფროსის მოადგილედ სამეცნ. დარგში.

1989 დააარსა არაფორმალური შეიარაღებული დაჯგუფება „მხედრიონი“, რ-იც 1991 თებერვალში ზ. გამსახურდიამ უკანონოდ გამოაცხადა, ხოლო ი. „მხედრიონის“ წევრებთან ერთად დააპატიმრეს. 1991 დეკემბერში ი-მა ციხიდან გაქცევა მოახერხა და საქართველოში დაბრუნდა. გვარდიის განდგომილ წევრებს შეუერთდა კანონიერი ხელისუფლების წინააღმდეგ შეიარაღებული მოქმედების მიზნით.

1992–93 ხელმძღვანელობდა „მხედრიონს“ ე. წ. აფხაზეთის ომში. 1993–94 ი. იყო ქართულ-აფხაზური სამშვიდობო მოლაპარაკებების საქართველო-დელეგაციის ხელმძღვანელი ჟენევაში, 1989–95 – მაშველთა კორპუსის (ყოფილი „მხედრიონი“) საპატიო თავ-რე, 1993–94 – საგანგებო მდგომარეობის დროებითი კომიტეტის თავ-რე, 1992–95 – საქართველო-პარლამენტის წევრი. 1995–99 იხდიდა სასჯელს საქართველო-პრეზიდენტის წინააღმდეგ განხორციელებულ ტერორ. აქტში მონაწილეობის ბრალდებით.

არის პიესებისა და რომანების („სამი განზომილება“ 1999, „ლიმონათის ქვეყანა“, 2001) ავტორი. გამოქვეყნებულია მისი ესეები და მონოგრაფიები, სამეცნ. და ლიტ.-კრიტიკული წერილები.

დაჯილდოებულია ვახტანგ გორგასლის I ხარისხის ორდენით (1993).

დაკრძალულია მწერალთა და საზოგადო მოღვაწეთა დიდუბის პანთეონში.
